

HASATIAON NI TUHAN NAIBATA (4 Musa 14 : 17 – 19)

Pendahuluan

Shalom ma hubanta haganupan.

Bapa inang na hinaholongan ni Tuhan, malas uhurta bani panorang on boi ope hita mangadongkon partonggoan si sahali saminggu I gereja on, hassi pe via online janah I rumahta bei do hita tapi na terpenting uhur ta tetap do marpangarapan hubani Naibata. Ragam do reaksi ni jolma mandopakkon persoalan on, adong na manimbun boras irumah ni ase dong persediaan sipanganon, tapi adong homa do justru marsibere-bere bani hasoman ni namosombuh. Adong do na berjuang keras menghadapi situasi on ase masyarakat tetap tar urus, tapi adong do homa bekerja keras sonaha ase tambah gobir jolma janah ipararat do berita fakta gabe barita namosambor sonaha ase gobir sidea na mambogei. Hita na hinarga ni Tuhan, aha do nani na mambahen ase sarupa do masalahni tapi beda-beda do reaksi ni halak na mandopakonsi?.. Balosni aima: Cara pandang/ Perspektif ai do na sangat mempengaruhi ase marbeda-beda reaksi ni halak. Usih do sonai masalah na idompakkon bani bangsa Israel ijia tikki na manangar barita na I padasni Parkahap/ pengintai na tarbagi 2 kelompok. Sapuluh halak barita na masambor/ na ipararat do na I boan sidea, tapi si Joshua Pakon si Kaleb berita na madear do na iboan sidea. Halani buenan do namamboan barita na ipararat ai mambahen bangsa ai pe porsaya bahasani mustahil do sidea masuk hu tanoh na ibagah-bagahkon Naibata bani sidea. Gabe marungutungut ma bangsa ai dampak Musa pakon Harun janah haganupan ai prohkun uhur ni Naibata do ai bani bangsa ai. Hubanta haganupan, gabe singat-singat ma on ase pakei hita mambasa, manangar barita pasal aha pe, ulang tarpangaruh hita bani barita-barita hoax/ na ipararat janah na masambor gabe mambahen hita gabe mardosa dampak Naibata.

ISI

Sonaha do hasatiaon ni Tuhan Naibata mandopak kon goluh ta na gati manlembang humbani dalani Tuhan in?

Hasatiaon ni Tuhan Naibata Pataridahkon gogoh na marmulia (Sonari pe, Sai marmulia ma gogoh ni Tuhan in... Ay 17) On do na ipangindo Musa tikki mardosa bangsa ai hubani Tuhan. Hasatiaon ni Naibata sedo pitah Kuasa laho pamalumkon naboritan, Pagoluhkon na dob matei, tapi lobih do hunjai ai ma: Pamalum hon goluh Na Mardosa, na manlembang humbani rosuh ni Tuhan in marhitei Hasatiaon ni na sai tongtong Mangkaholongi, Uhur marpangulaki sonai ge mambere haluahon.

Hasatiaon ni Tuhan Naibata seng anjai mubah hassi pe bangsa Israel mubah uhur ni dampak Naibata. Hasatiaon ni Naibata sedo Idasarhon bani Hasatiaon ni Bangsa Israel tapi

Idasar hon BANI AHA NA DOB BINAGAH KON NI (Sonari pe, Sai marmulia ma gogoh ni Tuhan in songon na binagahkon-Mu in... Ay 17). On ma mambahen satia Tuhan in hassi pe goluh ta manlembang humbani dalanni, aima aha na dob binagahkon ni bani bibel ta. Ai do ase bani 2 Timoteus 2:13 la lang pe hatengeran ni uhur hita hatengeran ni uhur do anggo la, ai seng tarparnalang-Si diri-Ni.

Hasatiaon ni Tuhan Naibata I pataridahkon marhitei Uhur Na marpangulaki (Marpangulaki ma uhur Mu mangidah hajahatonni bangsa on ... Ay 19) Uhur Na Marpangulaki : Pengampunan Allah yang tiada berkesudahan dan lebih besar dari segala dosa manusia.

Penutup

Bani panorang on buei do barita na itangar hita, tapi hassi pe itangar hita haganup barita ai maningon topat do reaksinta ulang songon halak israel gabe mardosa sidea bani Tuhan.

Hassi pe gati manlembang goluh ta humbani dalan ni Tuhan in porsaya hita markuasa Tuhan in laho paluahkon hita.

Anggo domma I ahapkon hita hasatiaon ni Tuhan in andohar namin lambin tambah ma hasatiaonta homa hubani marhitei manggoluh ibagas hataNi.

Shalom. Horas ma hubanta haganupan

(Pdt.Manner Saragih, MA)



LIVE STREAMING KEBAKTIAN PARTONGGOAN RUMAH TANGGA GKPS PADANG BULAN - MEDAN MODEL "B" JUMAT, 24 APRIL 2020



Suhut : Sektor V Jerikho, Parambilan : Pdt.Manner Saragih, MA
Agenda : Sy.Yan Saputra Sitio, Pemusik : Panca Sipayung Ianan : GKPS Padang Bulan Medan

1. VOTUM – INTROITUS – TONGGO

Paragenda : Pasada hita ma uhurta, pungkah hita ma kebaktianta!
Ibagas Goran ni Naibata Bapa, pakon Tuhan Jesus Kristus ampa
Tonduy Na Pansing, Sitompa langit pakon tanoh on,

Kuria : Amen.

Paragenda : (Basaon ma sada ayat hun bani na dob ipasirsir bani hal 105)
Halani ai, dodingkon hita ma idop ni uhur ni Jahowa Naibatanta in,
anjaha pabotohkon hita ma hasintongan-Ni.

Kuria : (Mandodingkon Halleluya No. 302 : 3) <Key A>

**"Haleluya isombahkon na porsaya hu Bamu.
Bai arian pakon borngin, idodingkon hu Bamu.
Haleluya, Haleluya, idodingkon hu Bamu"**

Paragenda : Martonggo ma hita.

(Basaon ma sada Tonggo hun bani na dob ipasirsir bani Buku Agenda GKPS)

2. MANDODING : Halleluya No.2 : 1 - 3 "Puji Jahowa Ale Tonduyhu" <Ab>

1. Puji Jahowa ale tonduyhu, puji ma Ia Naibata min
Paima bois ope bohalmu, sai pujionku layak-Ni in
Sitompa daging tonduy pe, ningon ipuji do hape
Haleluya! Haleluya!
2. 'Ge pe sangap partubuh ni jolma, ningon do mulak hu tanoh in.
Hauhuron ni ningon marpunsa. anggo ibondut tanoman in:
Seng jolma hasonangankin. Naibata hatundalankin.
Haleluya! Haleluya!
3. Martuah halak na niendingan ni Naibatanta Jahowa in.
Na tong toguh marhaporsayaon, bai Jesus Kristus Tuhanta in.
Ai Naibata hasomanmin, seng anjai hurang tuahmin.
Haleluya! Haleluya!

Choral Bud, 139, Ansbach, 1665 Melodi: Lobe den Herren, o meine Seele

3. MAMBASA : Suhut Mambasa Ayat Bulanan (St.Esduriswan Purba-Ketua Sektor V)

4. MARTONGGO : (Tonggo Syafaat : sahalak Parhorja ni Kuria – St.Anita S.Aruan)

5. MANDODING : Hal No.497 : 1 + 3 " Holongni Jesus Manggomgom" <Bb>

1. *Holong ni Jesus manggomgom ganup kuria, Na patotapkon hasadaonta in.
Damei-Ni in ma manrahut paruhuranta, Idop ni uhur batar-batarta in
Damei-Ni in ma manrahut paruhuranta, Idop ni uhur batar-batarta in.*

3. *Porsaya ma hita bani tonahni Ambilan, in ma Hata-Ni Tuhanta Jesus in.
Na sai mangarap bai Tuhan simada tuah, jumpahan damei sonang totap ijin
Na sai mangarap bai Tuhan simada tuah, jumpahan damei sonang totap ijin*

Syair dan Lagu: St.AK Saragih, 1981; PKJ 102—Amanat Yesus Menuntun Kita

6. AMBILAN : Pdt.Manner Saragih, MA (4 Musa 14 : 17-19)

14:17 Sonari pe, sai marmulia ma gogoh ni Tuhan in songon na dob binagahkonmu, ai nimu do:

14:18 Lumbang do uhur ni Jahowa anjaha paridop ni uhur bangga, marpangulaki do uhurni mangidah hajahaton pakon panlanggaron, tapi seng palopasonni maluah humbani uhum anggo halak parsalah, sai balaskononni do hajahaton ni sagala bapa hubani anakni ronsi sundut patoluhon pakon paompatkon. (2 Mus. 34:6.)

14:19 Marpangulaki ma uhumu mangidah hajahaton ni bangsa on, romban hubani hinabuei ni idop ni uhumu, anjaha romban hubani parontou ni uhumu mangidah bangsa on singgan Masir nari ronsi nuan
(*Iujungi marhitei hata*)

"Jalo hita ma Hata ni Naibata ai marhitei doding na gabe pangakuanta"

Kuria : (Mandodingkon Haleluya No. 18: 1) <Key Eb>

*Hatamu ale Tuhanku, arta sihanganan ai.
Sai palongkot bai uhurhu, ulang lang hujolom ai,
Anggo seng be sijoloman, Hata na madear ai.
Aha ma na baen onjolan, ni haporsayaonkin.*

7. MANDODING : Hal.300 : 1 - 3 "Paubah Ham Uhumu" <F>

1. *Paubah ham uhumu bapa, porsaya sirahanan
Porsaya bani Jesus bapa 'se dapot hasonangan
Banggal do, bangga holong ni Tuhanta bapa, mambere hasonangan*

2. *Paubah ham uhumu inang, 'se dihut ham maluah!
Porsaya bani Jesus, inang 'se dihut ham martuah
Banggal do, bangga ringis ni Tuhanta inang, bai nas so ra marubah*

3. *Paubah hita uhurta, ale, na sombah ma Tuhanta
Harga hita itobus ale, sai ulang namin soya
Abakkon, abakkon na mapansing, ale, galangan bai Tuhanta
Syair dan Lagu: Ferdinan Sumbayak kl. 1950*

8. MARTONGGO : (Tonggo Pangapition Bp.Hamonangan Siringo ringo)

9. MANDODING : Haleluya No.410 : 1 - 2" O Tuhan Tangihon Hanai On" <Eb>

1. *O Tuhan tangihon hanai on, balosi pangindouan nami
Sai paluah Ham hanami on, humbani dousani dunia on*

2. *Jalo ma pamujinami on, halani Ham gok holong do tongtong.
Sai patoguh uurnami on, lao mandompakhon dalam na mahol.
Lagu Rakyat Minahasa : Maengket (DSB No. B 23) Terj : St. A.K. Saragih 1997*

10. MARTONGGO : (Humbani Suhut St.Eduriswan Purba-Ketua Sektor V)

11. MANDODING : Haleluya No.496 : 1 - 3 "Idilo Tuhan Naibatanta" <Ab>

(irik patumpu galangan)

1. *Idilo Tuhan Naibatanta, haganup Kuria-Ni in.*

Ase manjalo haluahon, nabinoban ni Kristus in

Tangihon ma dilo-dilo-Ni, pateleng ham ma pinggolmu.

Ulang manosal holi dob ni, bai ujung ni panorangmu.

3. *Jumpahan ulih do ganupan, nasirsir manangihon in.*

Na seng ongg marsidalian, mambalosi Tuhan in.

Syair dan lagu: St. AK Saragih, 1994

12. TONGGO GALANGAN – PANUTUP – PASU-PASU : (Psalmen 119 : 105)

Paragenda : Hata-Mu do rigapan bani naheihu anjaha panondang bani dalanku.

Kuria : **Sai horjahononku do rosuh-Mu, Ham Jahowa**

Paragenda : HasaksianMu do Hubaen Pusakangku sadokahni dokahni

Kuria : **Anjaha seng anjai manirpang ahu hu siamun barang hu siambilou.**

Paragenda : Bamu do Ham Jahowa, hata hagoluhan.

Kuria : **Hu ungnab do uhurhu laho mangkorjahon aturan-Mu.**

Paragenda : Mandompakkon Jahowa do haluahon banta Martonggo ma hita mangondoskon galanganta hubani Naibata!
(Basaon ma sada Tonggo Galangan na pinasirsir bani hal 107)
Riap ma Hita Martonggo marhitei tonggo na niajarhonni Tuhan Jesus banta!

Paragenda : **Ham Bapanami na i nagori atas...**

+ Kuria

Paragenda : Jalo ham/hita ma pasu pasu humbani Naibata...
**Idopni Uhur-Ni Tuhanta Jesus Kristus.
Pakon holong ni atei ni Naibata Bapa
Ampa parsoran ni Tonduy Napansing ma
Mangkasomani hita ganupan.
Amen!**

Postlidium : Mandodingkon **"DIATEI TUPAMA"** (Bapa T'rimakasih)
Diatei Tupama, Bamu Ham Naibata, Ham Bapa Na..i Surga, Diatei Tu_pa ma A....men